



# ЧАННАЦУЖУ

«ЗВЕЗДА»

21 декабрь 2018ш  
ножмар  
№ 51 (6633)  
Багъа 2 кьуруш

12+

Газета буклаккиссар  
1951-ку шинал  
ноябрьдания шинмай

Учредитель: МКУ «Кулал муниципал районналул администрация» РД  
МКУ «Администрация Кулинского муниципального района» РД

## Шинал ахирданийнин щаллу дан



Бувккусса гьантри ливчлун бур Цусса шин дайдишин. Мунхтуну гьашинусса шин кьуртал хьуннин аьркинну бур щаллуну биттур дуван харжи булаврил, цаймигу ливчлусса буржру лахъаврил ва ратлэйсса налогру щаллуну ратлэврил давуртту.

Декабрьданул 17-нний райадминистрациялуву хьусса совещание титлэй муниципальный районналул бакчинал заместитель А. Давдиевлулгу дакниин бувтунни муниципальный районналул бакчи Ш.Р.Рамазановул ми масъалартту щаллуну баврил масъала кьанкьану гьаз буллаи ушиву ва му мурадрайгу

налогру ратлэврил план 125 процентрал биттур дуван аьркиншиву, царагу идаралул, организациялул чулу хагу цукунклэйсса буржру личан кьааьркиншиву.

Районналул финансир ттал управлениялул хьуними Кь.Амучиевлул бувсуна циняв организациярдан, идарардан дирчүшиву харжирдан, коммунальнейрдан,



электроэнергиярдан харж дувансса арцу ва мий члү муй щаллу дурну харж дуван аьркиншиву ва циклүй буржру личан битан кьабучлүшиву.

Районналул экономикалул комитетрал хьунма М.Рамазанов цала ихтилатраву авцлүна клантул администрациярдал налогру ратлэврил планну биттур даврил тагьардай ва щаллу кьархьуну лирчлесса налогру члүмуй ратлуну щаллу дуван аьркиншиврий.

## Ниттил капитал ишла даврия

Аьрасатнал Федерациялул Хлукматрал 2018-ку шинал майрал 31-ний кьамул бавссар хлукму №631 «О внесении изменений в пункт 3 Правил направления средств (части средств) материального (семейного) капитала на улучшения жилищных условий. Ва Хлукму кьамул бувну махь июнналул 13 нния шихунмай ниттил капитал ланун итадакьайсса арцу буюхайссар рефинансировать (бурж баххана баву, чан баву)дан дурсса ипотека лахъан,

Мунийн бувну маткапиталанул арцу тлэйла дукан буюхайссар кредитрал хьунмур бурж ва процент

ру лахъан, мукунма ипотекалулсса гу, хьхьичлва кьатри бувсса куну, ягу машин ласун куну дуллусса кредитрая бурж лахъан.

Му члүмал кьабургайссар кредитларсун дирклэсса члүмук.

Агарда кредит хьхьичларасун дирклэхурчагу, ниттил капитал махь ларсун духурчагу, кла кредит лакьин ишла дуван буюхайссар муних.

Цлүсса низам тлэлавшин нарайн бувну маткапиталану кредитрал бакъассагу, займрал буржгу лахъан буюхайссар.


Х. Дандамаев.

Лакрал районнал прокурор

## Цасса диспетчершиву

Жула раонналийгу бур Дагъустаннал «Единая дежурно-диспетчерская служба», - тлэсса идаралул цану хьанакьсса кьуллугь. Уттигьанну на ва кьуллугьрая бувсунни Рашидов Махлхаммадлул.

- Кулал районналий на зузисса кьуллугь бухлахиссар Дагъустаннал цасса диспетчершиврий сса кьуллугьравун. Жул агьан мур дауну хьанакьссар, аьмсса 112 номерданий жуйнма оьвккусса апатл, зарал, авария, цлүдагьаву, цамур тлабиаьтрал биян бувсса заралланувун иривманачлан кумаграшал гьан багьлагьисса службардайн анаварну баян бавуну. Жу зий буссару 24 сьятрай. Жучлан 112 номерданий занг багьайхту жу буржлүвссару хьусса иширая баян буван анаварсса медициналул кумаграйн, полициялийн, прокуратуралийн, цлү лешан дувултрайн, клантул бакчинайн, районналул бакчинайн. Занг ча дуркун дурив клүл шайхту, жун бувчлэйссар гиккун цалчин анаварну цумур служба гьан бан багьлай буссарив. Жу гьантлүл мутталый мукийла буккайсса ру Махлчкьалалущал видео связрайн. Клүорхил сьят ряххунний, яла урчлунний, ахттая махь сьят клинний ва мьайнний. Амма цибууну апатл хьусса иширая гацлана баян байссар Махлчкьалалив. Жу диспетчертал даврийн бучлэйхту гьарца кьини жухь хьун булайссар тестрал лагурий сса 20 суал Махлчкьалалия. Гайннун жу анаварну ххюра ми нутрай жаваб дулун аьркинссар. Мукунна жушал дувайссар ученияртту. Масалларан, чув дунугу жула районналий вертоллет дагьну дур, цлү дагьну дур,



лекьру хьуну ятту-гьаттара цлакь хьуну бур, авария хьуну дур, тлэсса баян бавуртту диклай. Му члүмал жун аьркинссар ми ишру хьусса кланттайн аьркинсса службарду тлэйла буккан. Укун хьинну ялүв бавцлуну буссару жу инсаннан шайсса апатл-зарал чан бансса нанижатрай. Утти жучла бихьлай бур цлүсса, анаварну циняв службардайн баян буван буюхайссса технологиярттал аппаратурагу. Вай бишайхту кумаг бучлэву хьиннура анаварсса хьунтлэссар.

Дагъустаннайсса 41 районнава, 2017-ку шинал Кулал районналул службалул бувгьуссар 14-мур клану. Мунин бувну жун дуллун Дагъустаннал цасса службалул «Хлурматрал грамота». На акьагу шикку диспетчерталну зий бур: Кьурбидаев Аслан, Раджабов Мухлуттин, Оьмариев Джама лутдин. Жул каялүвчину ур Хлэсанов Аьлиосуп. Жу зун биклару цаца диспетчер гьантлун цал хлэсаврай.

- Цлүллу аннав Махлхаммад кланин бувтун бувсун тлэй зула кьаллугьрая. Апатлру кьашаваннав. Сура трай: Рашидов Махлхаммад даврий

Хл. Хлүсайнов

## Ца кьини клүра байран

Декабрь зурул 12-нний жула районналул культуралул кьатрал заллануву хьунни клүра байрандалун хас дурсса гьахьашиву. Ва кьини дурусну 25 шин барт ларгунни Аьрасатнал Хлукматрал циняв инсантуран аьмсса Конституция кьумул бувния шиннай. Байран-гьахьашиву дайдирухьна Аьрасатнал гимн, циняв лавай бивзун щаллу даврия.

Конституция кьамул баврия, ванил Аьрасатнал гражданиннал оьрмуллуву цукунсса клану бугьлагьиссарив бувсуна

трибуналуха Кулал районналул администрациялул вивсса политикалул отлелланул каялүвчи Хизриев Шамххаллул.

Цала докладрал хьирив ванал культуралул зузалтрал цала даву дайдишиннин хьхьичлү бувсуна вай гьантрай республикалул «Илчи» кказитрал Кулал районналийсса корреспондент Хлүсайнов Хлэжимурадлун там хьүшиву 70 шин. Ванал Хлэжимурад ва кьинилушчал барча уллай клүлү бувна ванал дакнихтуну



лакку билаятгу ххирану, районналий шайсса царагу мероприятия лях лаган кьадиртун гайннуя «Илчи» кказитрай бусайшиву. Ча увкуна вания гихуннайгу укуна зунсса цлүллушиву. Яла культуралул зузалтрал чулуха ванан дуллауна грамота ва багьлүл ххирасса сурат. Вай бахшишру дулавривух гуртту хьанай бия Кулал раонналул бакчинал хьирив ма Давдиев Анатолий ва районналул культуралул хьунмур Ибрагьимова Марина.

Жунма клүлссакуццуй ялунчлэссса 2019-ку шин баян бувну дур Аьрасатнаву театрдал шин душиву. Мунин (Ахир 4-мур лаж.)



# Ацва оьрчI-душ, ацIрайра ххаришивуртту

**Лакку билягт. Ва хьинну авадансса кIанур. Му авадан шивугу хIасул хьанай дур цалчин тIабнаьграйну, кIил чин ва билятрай яхьана хьисса инсантурайну. Жува вай иширтгайн мукIруну бикIан аьркинссару.**

Цуйшиял шяраваллил чулуха кьиблалул чулинмай нанисса ххуллул цаппара дулантту махь кьадитайхту, янилун дагьлай дуссар мурзусса бакIуй, дачIи неххамачIув дирхьусса Хьюйннал шяравалу. Кици бувсса ххуллулияту ва чIалай дуссар Хьуннеххал даралул заллуну. ЧIарах нанисса нехгу хьхьу кьини дакъа тIаансса «балайрду» тIий дуссар. Вана ва неххал неххамачIавсса кьатрал дайдихьулия, цахьис яларайну дия ацIва оьрчI бакI буккан бувсса Нину-Виричу Кьурбанова Маруссал ва ванил ласнал АьвдурахIиннул кьатри.

Вайннал кьатри ттун ца хьюйричунал ккаккан дувуна. Кьатри цивпагу кIира зивулийсса, хIаятирал сий дучIан дурсса, магьив чIиртту янилун дагьлагьисса дия. ЧIалай бия вай кьатрал залхурьнашчал кIул хьуннинма укун гьарца затраву лизлакьшиву дусса инсантураща бакъа 10 оьрчI ччаннай бацIан буван кьашайшивугу. Кьатрал дарваза тIитIиннин цал на вайннул чIарах нанисса аьгартгучIан гьан хьуну ганил макьанналух вичIи дирхьуссия. ТIайлая на аьтара учирчагу, ноябрь зурул ахирданий хьинну чанну дакъа неххай шин дакъая, щинал макьангу хьхьарасса дия. Гьашину зунттавусса ссут гьараллу дурагу кьадурсса, гьелисса хьунни.

Шяраваллил зумакирагьирай духьурчагу кьатри, хIаятраву бакъая ккакчигу. Муниятту на цалчинмур зивулийсса усру нузах дусса кьатлувун: «Бивзрув, бурув шаппа?», - тIий сивсу ну увхсияв. Ттун гиву бакIрайн багьуна кьатрал залхурь АьвдурахIин ва Марусса. Га цурдагу хьункIюрххилсаннул чIун дия. На ттула гайнначIан учIаврил мурад бусайхту, гайннал бувсуна ттухь цана на кказитрай рищайсса макьалартгайну кIулшгиву. Улу Дарбантлив яхьанай ивкIссагума кIулну ияв. Укун бигьану жу куннашчал ку кIул хьуну жапирайн багьсияв. На суаллу булла гай ттул суаллахун жавабру дулла. Гьай-гьай кIюрххилсаннун кьур бувуна Маруссал столгу.

На цалчин буллусса суалну хьуна, мицIмазрай-васса суал. Му суалгу бия:

«Лакрал душварал цIардаву нажагь дакъа хьуна кьадакьайсса, Мурусса ца дизанци багьана хьунавав вил нитти-буттан?», - тIисса.

- ЦикIулли ча бавсияв нитти-буттан ттун дирзсса ца? - куна. Гания гихунмай бувсуна Маруссал укунсса затругу.

- На бувссара 1939-ку шинал Хьюйннал шяраву. Ттул бутгайн Рамазан, ниттийн Гумай чайссия. Гай колхозраву зузисса инсантал бия. На кьуртал бувссар 5

шайва. Жул кьатри утти дусса кIанттай дакъа, хьхьичIара Хьюйннал уттисса ттучанналул чIарав дикIайссия. Кьинилул мутталай ххюйла-ряххийла неххая шин ласун лаган багьайва. Га чIумал утти кунна дакъа неххайсса шин пар-пар тIисса, марцIсса дикIайва. Циняв Хьюйннал хьами мукун лагайссия. Ттуккуйн дирчусса кIулматIахун урхьри бивчуну лагайссагу чан кьашайва. ОьрчIан дукра жу личIину цанна-цаннасса дишайссия. Ява гьич куннашчал ку кьабавкьусса, чанни ххири тIисса ишругу кьашайва. Цаннал гаманал хIур-

зий ур Ваччав азарханалул кочегарну. Абуссупьян яхьанай ур Щардал шяраву. Тикку ванал гьаттарал пирма дур. Исрапил яхьанай ур Каспискалий. Бадави зий ур Лакрал районнал полициялий. Ва ур хIаписар. СумбаIуллал ва 1-мур ШувкIуллал шяраваллал участковийну зий ур. Зульмира шиккува Хьюйн шар хьуну бур. МахIаммадссалам Каспискалий яхьанай, ккарччал хIакинну зий уссар. Махьмахьма арс ХIажи-Муса зий ур Ваччав Цулещан дувултрал даврий. Ва жучIава яхьанай ур. Вай кьатригу вананни дикIан

шаппа ттул ссу ва хьуннар хьусса нину дия. Гайннах уруган багьлай бия. Ссу цуппагу чIал кьавхьуну 31 шинаву ахиратравун лавгуна. Муниятту на шяравусса, районналийсса давурттив канил дургьуну ивкIссара. Зий уссияв колхозрал удаманну, председателну, багьманчину, зий уссияв клубраву, библиотекалуву. На председателну зузисса чIумал колхозрал дикIайва 70 гектар дугьайсса хьунил. Жу гай циняв дугьайссия. ЖучIа хьинну ххуйсса кьамагу шайва. Ккуллал, Хьусрашиял инсантал бучIайва жучIан кьама ласун. ТIайлар Бабаюртул районналий жул аьрци кьадикIайва. Амма ятту кIинттул лагайссия Бажиганнайн кIи рутан. Га чIумал циняв шяраваллал ятту лагайссия Бажиганнайн. Утти цанма букансса нувшивагу бугьлай бакьар инсантал. Хьинну курчIил хьуну бур, - куну бувсуна АьвдурахIиннул.

Буниялагу вайннал цала кьабусарчагу дукралул ва лаххиялул шаллу бавришал вай оьрчIал марцI-чапалшивулсса буван багьлай бивкIссар. Вай школалийн тIайла буккангу багьлай бивкIссар. Явара цивпагу хIакьинугу Хьюйннал шяраваллил оьрчIру ххюйлчинмур классрава байбивхьуну школа кьуртал буваннин Ваччав, ЧIав лагайссар школалийн. Ттун вай чIавуну хьуна бакьай дякьивух, кIиришиврувух, марххаттанивух бахьтта дарсирайн най. ЧIавуну вай школалийн буцин бучIайсса автобусу бух хьуну, зия хьанан бикIай.

Дурусну гьашину 2018-ку шинал, АьвдурахIиннул ва Маруссал цацIу оьрму бутлай там хьанай дур 55 шин. Явара вай шинугу чансса дакъассар. Куннашчал ку бавкьуну тIийри вайннал вай 10 арс-душ ччаннай бацIан бувсса. Ттун кIулсаксса Хьюйннал шяраву цамур Нину-Виричу диркIссар тIийгу кьабавссар. Муниятту жувагу чIа учинну укунсса чумартшиву цала оьрмулуву ккаккан дурсса зунтгал Ниттин ва адаминан вания гихуннайгу цуллушиву ва оьрчIал оьрчIал ххираххуй булла, хIурмат булла и оьрму бутансса мутта.

**Суратрай:** Марусса ва АьвдурахIин арснашчал, ХIажи-Муса шал

**XI. XIусайнов**



класс. Яла на дуккаву кьадиртессия. Ттуярва хьунма сса оьллуттизуну зузисса ссин кумаг буллан бикIайссияв. Ганияр махь 1962-ку шинал на АьвдурахIиннун булун увкунав. Хьиривмур шинал хьатIи бувссар. Яла 1964-ку шинал бувсса Назира душнил хьирив кIира шин ляхну булла на бувссар 10 оьрчI-душ. Яла винма чIалай бур, вайнналсса булла бикIайссияв. ЧIун хьусса чIумал колхозрал даврийнгу лагайссияв. ХIаятра-вугу бикIайссия кIива оьл, аьнакIив, индушкартту, ятту. Ттул лас АьвдурахIин колхозрал удаманну, председателну, багьманчину зий икIайссия. ЖучIа гьарца кьини кьахьурчагу, хьамал чан кьашайва. Гайннал хьхьичIи дишинсса дуки-хIачIиягу шаллу дуван багьлан бикIайва. Кьини лях на кIива кIара ччатIул бушайссия. Кьува ччатI

мат булла тарбия хьусса оьрчIру хьуна. Ялагу ттул лас хьунисса чуваллу базаллувун лавгун лаххиялул лавсун учIайссия. Чивиманал хьунаманая ливчI-мийгу лаххия лаххайва. ЦIуру-кIуру кьабикIайва. Вай утти яхьанахьисса кьатри жу дулла бивив-хьуссару 1983-ку шинал. Щинал масала ттул бигьа хьуна. КIива-шанма шаттирал чIарав неххал шин дур. Утти кIици дуванна ттула циняв арс-душварал цIарду. 1964-ку шинал бувссар Назира тIисса душ. Му цIана кулпатрашчал яхьанай бур Каспискалий. Ванил хьирив 1966-ку шинал увсса Гьази тIисса арс кьура шинал хьхьичIи ахиратравун лавгунни. Ванал кулпатгу Каспискалий яхьанай бур. Хьиривма Рамазангу Каспискалий ур кулпатрашчал. Ва ур ишбажананчи. Буньямин

тIисса. Вайминнал цала - цала ужагьру бур. ХIукуматрал чулуха ттун щичIавгу ва чинсса кумаг бувсса иш кьаккавкссар. Мукьра кьуруш дикIайва оьрчIан ххюра шин хьуннин. Ххиша-лагу кьархьуна. ТIайлар циняв укун чIавусса оьрчIру бувсса ниттихьан дулайсса мелаллумур дур ттул. Буссар ттул цIукугу. Пенсиягума ацIуннивунмагу биллай бакьар. Амма на рязину бура ттула ласнаягу оьрчIаягу, оьрчIал оьрчIаягу. БучIайссар вай жучIан кьатта-кьуш чIурдал буцIин буван. Му чIумал хьуннасса ххаришиву дикIай, - куну бувсуна оьрмулул лахIардая Маруссал.

Утти вичIи дишинну АьвдурахIиннун:

- На увссара 1940-ку шинал Хьюйннал шяраву. ЧIайннал шяраву кьуртал бувссар 10 класс ххуйсса кьиматиртгайну. Амма



# Ца кьини кIира байран



(Дайдихьу 1-мур лаж.) буну сахIналул ца чулийн лахьан дурну дия му шинан хас дурсса сурат. Яла культуралул зузалтрал ккаккан дурсса хьинну ххуйсса концертравугу бия, театрданул шинан хас бувсса, Хьусрациял хал кьуннал театрданул ва

ра Рамазановал, Муслим Суллаевул, Асият МахIам мадовал, Санжана АьхIма довал ва цайминналгу. Гьарцагу тяхьашиврул яла авурмурну шайсса Вихьул лал кьавIаву ккаккан дувуна Вихьуллал культу ралул кьатлул зузалтрал. Щаллу дувуна мукунна



Хьовхьиял культуралул кьатлул театрданул зумунусса номерду. Гания гихуннайсса культуралул программа дачин дувуна Хьусрациял халкьуннал театрданул режиссер Марсел Сулайманов лул. Культуралул программа дайди хьуна Аьрасатнал паспортран хас дурсса дик ломация дуккаврийну. Му дурккуна хьинну гьавасрай ЧIайннал шьравасса, Аьб дуллаев Арсеннул. Хьинну ххуйсса балайрду увкуна: Залина Гудовал, Гриша Вана тиевлул, Альбина Тахтаровал, Саманият Аьлиевал, РайхIанат ХIажиевал, Зулпия Даллаевал, Шавлухь СалихIовал, Гулжагь

аьнди варсавун кIучI бувсса душарашалсса хIухчалтрал кьавIаву. Тяхьашивурттал ахирданий циньяв бай рандалий гьуртту хьана хьиминнал щаллу дувуна лакрал гимн. Яла сахIналийн бувккун Ккуллал раондалул культуралул хьунмур Марина Ибрагьимовал барчаллагь увкуна циньяв гьуртту хьуминнахь ва тамашачитуряхь

**Суратирттай:** . Грамота ва бахшиш дулла; Хьусрациял халкьуннал театрданул сценка

Жул кор.

# Ккурккуллал Щазан 150 шин

*Щазал аьна абадессар  
Ил лагай шагьру ххуллу  
КIяла ариул хьунугу  
Вин эшкьи хьунсса кIулну  
Ххуллийхь кьагьантIиссияв!*

*Ххуй оьрчI, вил буттал кьатта  
Ашрапирттал хьурчагу,  
Вин ччаву хьунсса кIулну,  
КьатIув кьабуккавияв!*

Ккурккуллал Щазан Вай гьантрай Хьусрациял магьирлугьрал кьатлулу районнал халкьуннал театрданул сакин дурну дия Ккурккуллал Щазан 150 шин щаврин хасьсса вечер.

Щазан хасьсса мажлисрал даву дайди хьлай мунил оьрмулия бусласисса ихтилат бунна театрданул режиссер М. Сулаймановлул. М. Сулаймановлул цала ихтилатраву хьинну бюхханну бувккунни цаппара Щазал хьинну мяьна-мурадрал бувччусса назмурду, бувсунни

Щазал хьинну якьамасса ва гиккава хьинну инсантурачIа бусравсса оьрмулия цила дард шеьрирдайну ялун личин дансса гьунардания. Бувсунни буттал буттахья жучIанма бивсса ва хаваргу... «Гьаннайсса Щазайн оьвкуну бур хьатIуйн тяхьашиву дан. Щазал цицала бувцуну бур цила оьрчI ва душгу хьатIуйн, ца лахIзалулу Щазан балай тIий буна хьатIул гур дуллай ттупангу битлай бивкIун бур, ца ппурттуву Щазал чIарав бавцIусса душнийн гулла щуну бур хатIалий, цакуну ливкьуну нанисса цила душгу хьазамравун чIуен буну Щазал цила балайгу кьуртал буну карах душнил нурчIигу дирхьун Щазан хьатIува бувккун лавгун бур. Итгав мукьал кIунтI буккан кьабуну. Ва ишираву чIалай бур Щазал дакIнил кьанкьашиву.



Щазал оьрмулия бусласисса ихтилатрая махь театр-дану чIасса драмкружокрал артистурал ккаккан бунни Х.Халиловлул чивчусса «Ккурккуллал Щазан» тIисса пьесалувацца парча. Бувккунни Щазал шеьрирду. Хьусрациял магьирлугьрал кьатнил зузалтрал увкунни Щазал мукьурттIисса балайртту, рязийну ливчIунни дусухун кунма Щазал вечерданийн бавтIусса агьалийгу

Г.Ванатиев

# ХIисаврттал дарсирдал нюжмар

Декабрь зуруй ЧIайннал дянивмур даражалул школалий тIайла дурккунни цила-цила дарсирдан хас дурсса нюжмар. Математикалул, информатикалул дарсирдал нюжмар тIайла дуклаккисса учитель ия АбдурахIманов Саэд Ханович.

Мунал дирхьунни хьинну дуклакки оьрчIан дарсирдах гьира бутлатисса хIисаврттал дарсеру. Мунин хас буну итабавкьуну бия чIирал газета. Миккугу гьарта гьарзану бувсун бия лавг заманнайсса хIисаврттал аьлимтурая. Бия мукуна «Умники и умницы», - цIанилуца чIирал газета, ва нюжмарданил ахирданийгу Саэд Хановичлул сакин дуруна 5-11 классирттал дуклакки оьрчIашал хьинну хIазсса, тамашасса вечер: «Математика-царица всех наук», - цIанилуца.

Вечерданул дайди хьулий ихтилат бунна цила Саид Хановичлул. Мунал гьарта-гьарзану бувсуна хIисаврттал инсаннал оьрмулуву бугьлагьисса кIанттул ва биялалуя.

Классрал чIирттай мукуна ларххуну дия плакатручирду: «Математика лахьхьин аьркинссар, цан чирча мунил инсаннал

аькьлу назмарайн буцлай буну тIий», - тIисса ва мукуна цаймигу хьунисса аьлимтурал математикалиясса учалартту. Вечерданий дуклакки оьрчIал ихтилатру бун хьунисса, математикалуца зий бивкIисса аьлимтурал оьрмурдая.

Вечерданий хьхьичIунну гьуртту хьуна ХIаммакIева Басират-9 кл. Сутиаева Гульмира-9 кл., Маммакьурбанов Юнус-9 кл. Сутиаева Аминат-6 кл.

Ахирданийгу дуруна интеллектуальнойсса даляхьру: «Брейн-ринг».

А.Аьбдуллаев

# КьурчIишиву кIидачIлай буру

Декабрь зурул 17-нийн 2018-ку шинал Каспийск шагьрулия лаккуйнай нанисса микроавтобус машина ххуллий микIлачIрулийх ччех бивкIун, кьакьалувун багьну Кьарабудахкент поселокарал даралуву машиналувусса ххуллулссаннан хьунисса зараллу хьунни. Му ишираву ЧIайннал шьравасса шама ххуллулсса оьрмулуца хьунни, цайминнангу цIунцIияртту хьуну больницардайн бувцунни..

Му апатIрайну хьусса ишираву, жула дянива бивкIуллул зевххунни чIярусса шиннардий ЧIайннал шьраваллил советрал каялувчину зий ивкIисса гьалмахчу **МухIуттинов КьурбанмахIаммад**, мукуна ЧIайннал дянивмур даражалул школалий оьрмулухун учительну зий ивкIисса **Рамазанов Сажид** ва жагьилсса душ **Амирова Сайрана**.

Кьаннал шьраваллил жьаматрал, щалагу Ккуллал районнал агьалинал цIанияту жижара буллай, кьурчIишиву кIидачIлай буру вай накьлу хьусса гьалмахтурал мачча-гьанминнашал.

Ярапий Я Аллагь, вай Кьурбанмамадлул, Сажидлул, Сайраннал кьабуллусса оьрмурду вайннал махьминнал, мачча-гьанминнал булуннав.

Аьпалувух бивхьусса, жула дянива лавгусса вайнналгу гьаврду нурданул дуцIиннав, алжаннул ххари баннав, кьувлул шану хьуннав гьаттал аьрцигу.

Бала-апатIру арх баннав, циньявпагу уттаваминнахьхьун цIуллушиву дулуннав.

Кьаннал шьраваллил ва щалагу районналул жьаматрал цIания **Рапи Абикаров**

**Редакциялул адрес**  
368390, Республика Дагестан  
Ккуллал район, ш.Ваччи

**Издательнал адрес:**  
Республика Дагестан  
Ккуллал район, ш.Ваччи

Газета регистрировать  
бувссар РФ-лул МТПР-лул  
Южное межрегиональное  
управлениялул.  
Регистрациялул номер  
ПИ № 10-4202

**Хьунама редактор**  
**А.И. Кьянчиев**

Газета бавтIуссар «ЧаннацIуку»  
газетрал редакциялул компьютердай,  
бившуссар ГАУРД «Издательский дом  
«ДАГЕСТАН». Типографиялул адрес:  
367018. МахIачкьала, пр.  
Насрутдинова 61,

Буккайссар нюжмардий цал,  
Индекс: 51317  
тираж 657 экз. Газета итаб-  
кьин кьулбас дайсса чIун 17.00,  
кьулбас дурсса чIун 16.00

**gazetazvezda@mail.ru**